

陸  
輪  
山  
先  
生  
詩  
稿

國家圖書館, NATIONAL CENTRAL LIBRARY, TAIWAN, R.O.C.





寧遠堂集

七言古

董太史春山夜雨圖


千山寒雨雲如墨，疊嶂層巒疑一色。  
半幅蒼茫浸碧濤，參差一帶空烟濕。  
茫茫近遠畫不成，離離萬樹雲端生。  
此中刻燭知誰在，幽絕春山聽雨聲。

贈別三川余采叔

關山萬里黃塵暗，作客江南重留戀。  
兩鬢飛蓬百杖錢，一肩行李書千卷。  
迄今十載尚飄蓬，山川異國經遊遍。  
何處天涯問故人，殘山剩水悲鄉縣。  
梁鴻已見



國家圖書館 NATIONAL CENTRAL LIBRARY, TAIWAN, R.O.C.





易姓名徒向人間識君面憶昔逢君似舊歡相逢擊  
筑還論劍鴛湖春雨共垂綸秋風把釣橫塘畔翻然  
離別總不堪驪駒歌起聽來倦玉孫短屐未歸來青  
青草色開芳甸知爾遊鞭到處羈中原回首哀笳斷

代壽陸母

平原才子風流客早歲聲名著經術梁丘說易每鏘  
鏘巨鼎論時世無匹迄今賣藥向人間還識驪駒重  
南國醪酒高堂一進觴門前車馬紛如織雪藕冰桃  
襟沓陳迴鷺轉鳳飄集有子如君已絕倫芝蘭諸  
弟香盈室萬里風塵勁草推一枝早辨千年節夫人  
應瑞本仙姿鶴髮朱顏看引翼芝田瑤草那足驚扶  
桑幾結如椽實

寄澹歸東皋

長隄苔徑荒塵積池塘亭榭風蕭瑟野衲飄零此息  
肩晨鐘暮磬經聲寂我始停車一扣關相逢邂逅傾  
肝膈自惜才名隱曼<sup>陀</sup>十年作賦空投筆時危杖劍老  
風塵三載顛連放逐臣英雄跋扈今時事儒術後知  
本誤人間關萬里獨歸來回首湘江莽自悲青山故  
國皆如昨廬舍田園安在哉憂時憔悴身如寄不向  
人間釣聲譽落泊生涯何足論托身聊自全吾志鳴

呼白日黃埃蔽天地百川茫茫仍東逝但令一日見  
河清即填溝壑長已矣

挽月新

歲惟辛卯夏六月上人厭世長捐別息死雖然擲錫  
還蕭然直令塵緣絕近日堂頭實艸風塵馳騫真  
顛倒競入侯門出薦書緣疏乞文扇乞詩結交富貴  
乃得意詩中乞道深相知吁嗟此輩那足語濟臨風  
流直如許上人策杖本隨緣寒不增衣炊無米二十  
年來辛苦心死生安樂何足論

落花篇

春來風雨千郊足樹底名花澹膏沃濕露寒烟暮復  
朝揉紅剪綵輕填玉三月江南花信遲催花又惜雨  
絲、年、上苑花開日窳是今年花落時迴風飄墮  
飛無力縈霞投艸紛、擲杜鵑殘血一聲鶯喚反花  
魂枝正碧榆煙如黛柳青、剪、桑麻野綠平穠華  
底事茫難問祇向風前泪暗傾

久雨

花塘綠暗青陽老川萍岬柳春回早十日枝頭少女  
風三春郊外王孫草前谿漲水東流急前山靄、烟  
光濕玉女投壺快得意憑夷鼓動驚濤裏葦、如絲



映佳節霖、春霖瓠子決天下傷春不可愁直望寒  
雲千里滅

贈李見石

十載中原盡戎馬海曲哀茄間四野憔悴人間有陸  
郎李生與我齊年者李生南國本奇才弱冠風涼世  
共推揮毫筆掃千軍陳雄辯春從四座回時移事變  
紛如織幾見江山淪白日宮門皓月冷銅駝園陵夜  
霧披荆棘於時陸郎徒結客束手風塵漫無策李生  
草檄起江干親提弓矢前無敵從來厭亂奉天心豈  
意刀兵禍轉深披靡萬事俱難問時去雄豪泪滿巾  
西日揮戈亦何益披緇削髮潛形跡遂移藥籠問青  
山飄泊東南天地間但令吾輩時論劔濁酒招携試  
往還陸郎春正忽危絕李生翩然過巖穴一劑能令  
予復生再過捫虱教難別李生李生奈何我李生李  
生奈何

胥山行寄孫善長

乾坤合闢雲雷解澥水朝飛流四野野馬塵埃自古  
今茫茫誰問長年者吾聞終南鬱盤折石室寒厓獨  
幽絕縹渺蓬萊澗外峯嵯峩萬仞崑崙穴餐霞鋤石  
彼中人異艸奇花汗漫春相逢歷、千年事造化滄

收蒼茫極望浮巒嶼冬風悽切動嚴城我向明湖已  
十旬霜寒雪冷征裘敝單枕孤衾客思侵銜杯刻漏  
傳宵鼓別院更闌自歌舞可憐菟兔秦箏胡音按  
入吳歛譜羈人愁絕莽牽情燈地驚回夢旅情乍聞  
午夜雞聲度坐待扶桑皎日升

晚渡錢江

秋江雨過濤如雪殘陽晚擊中流楫旋卷危檣落怒  
潮奔騰萬馬蛟龍窟我來湖畔偶江濱飄泊天涯賤  
此身回風噴面鱣鯨沫噫氣吹人那漸平長沙竦鼻  
靈均死高秋零落三湘芷斫水何當罵伍胥開舷豈

必跛男子遠注縈帶遠峰青鳧雁舟船散遠汀停柳  
滿眼荆榛地橫笛哀笳不忍聽揚鞭東指城山暮宜  
都去問西陵渡舊壘新看劔戟明江花江州傷心路

祝曾鑿躬司農五十兼祖陽和兵備之行

秋雲嘹唳秋江笛丹霞却眷璇霄籍海島群真自十  
洲麟脂螭髓分金液從辭紫府到人間射策還先祖  
逖鞭幽燕冠蓋交遊內顧矚天都絕少年早歲林宗  
名獨顯奔塵願識荊州面倒屣親曾引仲宣埽門誰  
更無因見文昌曳履入新朝華選風流望益高中臺  
惟幄推三署溫室彌綸總六曹星移世路方荆棘抽



簪合返朱輪客仍開萊徑許裘羊歸來復滿當時驛  
烽烟故里問飄蓬屈宋愁深賦愈工雄文肯落思王  
后逸驥尤看一代空方壺未穩安期鳥東山絲竹教  
休慝本為蒼生起謝安遂令飲馬邊城窟江干南國  
近陽春遙指陽關送爾行紛聆甲帳回鸞曲并進西  
藩勒石銘

西湖兩渡

奔雲四起青峰失明湖急浪沉西日山腰隱、度輕  
雷東風吹雨嚴城黑單衣短楫客愁何漸吐殘陽渡  
晚波冲舟一鶴長天下回首煙霞旁芰荷

九日

秋高搖落黃花開玉律金商令序催一天風雨沉朝  
日遠笛初驚曉夢回人生美景終須擲歲往俄傷九  
日來含毫獨對茱萸杯東籬寂寞客思哀昆明那復  
中流檝何處鼓城戲馬臺鶴林杜鵑今成灰安得鉢  
藥移天台龍飛鳳嶺空崔巍劉弘山簡安在哉顰眉  
緩頰不復作千載文峰蕙草摧我今懷抱更誰托何  
由撫景披荏萊樽中有酒聊復盡參軍陶令俱仙才

丙午元日

條風昨夜回寒律三辰運改開初澤婆婆蓬戶起滃

裳春搖已着三竿日彤庭彩雀渺天涯玄黃黼黻無  
消息蔓延魚龍那復陳椒觴顧我愁如織十年藜藿  
不成歡屠蘓欲進今違隔滿前男女摠關情英雄氣  
盡還沾臆萍梗飄零愧此生艱難中歲身如客搯罷  
冰絃白雪篇銜杯且挹南山色

古桂行

瓶山西峙爰山路八鄉都種梧桐樹水接苕南一派  
流皂林市是俘兵處有客親誇此地奇千年古桂爭  
異者花不讓五陵豪寨裳試問毛家渡秋霜漸冷秋  
氣高白蘋朱蓼風蕭蕭沙棠槩子木蘭柁晚泊荒園

夕陽滅五更殘兩日瞳矓夾渚芙蓉敬曉紅扁舟莽  
指孤城北來詣花源甌嶺東停橈旋傍汀蘆岸頽垣  
一帶雲零亂自穿叢棘俯危橋居人指點丹楓畔沿  
溪茅屋兩三家尚有殘香剩落花扶藜已愛亭、立  
參霄更起東南陌中間四榭復分行橫條蔭地俱千  
尺盤根曲局垂若輪圍如帷帳容百人移枝應在姮  
娥窟團欒覆取人間月乍聆仙佩引天風恍然身到  
蓬萊闕商飈欲謝序欲移我今來此非花朝徘徊欲  
去不忍去總后花時暫留滯漫向村農叩顛末老翁  
為我賈鑣至不知培本是何年相傳遺址將千祀甲



館朱門數變遷侯家宅地成桑田后庭玉樹今寒煙  
東岡北樓殊不然相傳四桂為后庭花北為樓以驚  
烽埃火川源沸歎息名花路傍棄當時金谷竟灰燼  
襟沓秋霜馬足塵攀折此花何足惜荒未黍蹂如  
織莫教劉阮誤花津幾回花外漁鯽失撫今思昔不  
勝悲二十年前全盛日冠蓋翩連騎若雲繁絃急管  
無朝夕側聞此語心惻造物蒼茫泪沾臆淮南叢  
桂紛凋殘大山小山白日寒皋塗八樹還存否桂陽  
天竺終枯朽是地安能獨長有教君來日忙携酒

哭亡妻六十韻

秋風潑地河流決洪濤汗漫蛟龍窟九地長鯨漬九  
千林泪染千年血山搖嶽變幾摧遷浩劫寒灰死不  
然乾坤噫氣吹無際鍾我沉憂莽獨憐十月之交朔  
辛卯陰霾遍野凋芳草慘淡蛾眉絕命辰珠沉玉折  
心如搗三號投稅履危何問閨停春巷不歌哀楊在  
落溶月飄梗朝流淡波人生炊白誰無此斃  
顧我悲方始行志符融殆土埋傷神荀粲經年死情  
生於愛生哀亡愛亡哀首重回單形隻影生猶死  
誰死誰生恍自猜綿長夜何時旦冷丹旒魂應  
返展平生未盡緣未垂青泪腸先斷憶昔乘龍卜鳳



旂纛渺朝飛  
魄繡閣營紆  
暮倚風夢回  
殘漏疎鍾起  
子夜吞聲淚  
如雨從茲危  
疾染膏肓  
教鋤藥圃嗟  
何補一朝伏  
枕竟彌留身  
后空令萬事  
休初無岐路  
褰衣態但感  
尊前德未酬  
醪絃那續垂  
殘綫流光攝  
魄如追電閭  
苑歸程恐后  
期人間謫籍  
教難戀全君  
終及尚平初  
戟手經秋共  
拮据玉膚憔悴  
分憂日不緩  
須臾永別裾  
倉皇百兩絲  
誰繫中箱聘  
是較珠貯鑿  
木庭南且未  
懸夷盤翻為  
盈門置繁絃  
急管不成聲  
華檻空梁落  
月橫憐君冥  
路能知否願  
我何堪此際  
心衷親稚子  
茫無緒滿前  
都是傷心處  
刀尺依然楚  
簞空鏡奩罷  
御箱裙敝不  
能求死不能  
生夢裡尋君  
夢未醒明知  
百歲俱成夢  
忍負三生夢  
裏情

淮陰百十四老僧歌

蘭陵城外梁谿路  
孤帆晚泊犇牛市  
人為指市西  
徧老僧百十齡  
加四落齒前年  
更復生朱顏墨  
髮童相似夕磬  
朝鐘日未閒  
幾回到街頭  
步沿溪漁火  
夜將闌芥向茅  
庵啟竹闌蕭疎  
竹樹環幽徑  
寢處東南別室  
間卧據繩床不  
能起隔窓住予  
斯須語家依繡  
谷枕華林浮杯  
偶托昆陵地不  
入塵緣不坐禪  
渴時便飲飢時  
食白雲明月滿  
人間人相亡我  
吾亡世



舉手叮嚀屬再過歸程屈指一停軻未令隔歲妨談  
笑待汝春畦共採蔬吁嗟老人何若此人生會遇何  
嘗爾一垣今日且幽燕后期吾寧輕相許老僧不覺  
釋然笑老僧自老君年少敢忘相過不盡緣相思別  
後燕山道

百六老人歌

淮陰老人坐淮肆自言生長宣城市我自犇牛識老  
僧老人百六差其次使者箋，束帛前縣官常膳紛  
紛至小笠寬衣自在身翻嫌冠冕聯鑣至揆初甲子  
毅皇年再閱澄平慶歷間身經化日曾扶杖睢水春

山記往還行開八秩兵戈際犇離去住茫無計雄鎮  
爭移蔽日旗列侯競起連雲第丁男按籍點戎行所  
在流荒郡邑荒驚烽埃火嚴城外漂杵橫尸大道旁  
滄桑了不關吾事此身但在仍驅使賣食依然向棘  
津大齊再屈新來指君不見榮啟期鹿裘邴野行自  
娛又不見淮陰人狡兔既死走狗烹穠華易向朝陽  
謝人間壽夭何常也一日心間一日安與君俱是長  
年者

贈仝舟王遇鳴叅軍

燕山秋老歸程急斜陽驢背衝沙出忽漫天涯共一



帆兮鄉偶作同舟客藥、純素獨南行愛弟新留薊  
北營相逢忼慨論前事烽火頻年感聚萍垂髫自賤  
經生術桑弧蓬矢趨庭習阿翁投筆遠從戎荒天絕  
徼橫戈入歷數稜令漢祚移飄零大樹風蕭瑟塞草  
江煙兩地愁艱難彼此無消息并州流水合潯沱溟  
澗奔騰萬里波鷓鷯擇木將安托履險間關蜀道過  
枕柳久歷蠻方兩哀管鳴鏡四郊起幕帳春寒午夜  
旗殘兵幾隊降王騎丈夫意氣本難平況復思親泪  
暗傾元方忍便違函文苟令誰為統膝人山搖岳變  
群龍集繡衣兼典諸生藉賦詩上馬定回羗長蘆又

案先人職

東濱公為九徵先生父以長蘆致政

先縣官但索水衡錢清吏

風流竟左遷金華莫是臆肱地仙令絃歌且十年南  
飛鴻雁噉、下音書尺薄臨風發讀罷潛然擲綬還  
故園菜舞行、作離會何堪此際心痛餘思痛懷丘  
壑迄今塊寢恨終天悲懽轉眼渾如昨燕臺何用問  
黃金群從烏衣並要津獨歸隴畝依鄉邑垂老重憐  
骨肉分側聞斯語愁如織天南地北關河隔遠道真  
今岐路看霜楓待染千穉色

王君公小印歌為李辰山賦

東湖鑿湖泥若鐵湖底潛靈各竒絕中有銅章色爛



然千年自諳君公物盤紆螭紐尚分明小篆晶熒漢  
逼真唐符晉璽應難並禹鼎秦碑好共論方逾事  
分餘字牆東隱者安須是湖濱棄置此何心姓名重  
出人間世華亭髯李君公儔嗜古不惜傾囊售湖人  
解事獨持贈夫乃曠代聲相求魚文鳥跡今亡矣君  
家斯也絲、擬近日名家數雪漁衡山父子差堪比  
蒼茫二繳兩俱傳後起徐生法欲兼搽刀往、稱詩  
暇命友時、鼓柁前談諧玩世無長策每過蓬戶披  
肝膈廿載尤嘶國士心為予掘石頻盈百丁年危病  
莽經春髯李丹成得再生徐生問病翻然至記選封

門把似君行裝此印還存否徐生刻意非長有莫向  
珠樓擲逝流他<sup>年</sup>定識君公偶

春原行贈周漢慈

春原雨過春泥濕沿溪側徑歛危入華館猶懸五夜  
燈風前再絮殷勤拍誰倚新聲補艷詞周郎年少風  
涼客組錦雕心吐絳雲花箋賦粉披薌澤驛壇旗幟  
近成群雀起居然翰墨林荆山那便爨、至擲地真  
成處、金成風妄誕譏前輩瑯琊歷下甘輕退蒙叟  
雲間搃下塵高談陶謝才還倍君家、學久探微箋  
釋淵源本拾遺曹編片玉懷群從大雅初非世共趨



離、隴草俄今昔東床却憶留髡日孝標鍾瑾每相  
標向長禽慶尤公席伯牙琴絕感知音西堂忽羨青  
鏤筆行矣應推綺練才勗哉無暴珪璋質

杜鵑和漢慈韻

錦江望斷春流竭征雲遠散西川魄帝子空分蜀道  
魂杜鵑啼遍千枝血繁華庭榭縱離披歷亂春心到  
處飛蜂遊蝶舞無情緒只有流鶯戀翠微

挽內姪魏子弟亡相去半載

黑風吹雨長林折老泉桓嘯丹雘滅比翼雙飛入泉  
穴地慘天昏百靈咽長夜霜天過寒月綿、泊是西

河血憶昨成童托猶子齊肩仝列排行齒予歷顛危  
若姑死若漸崢嶸邁華晷予哀歆問叅同契檢貝還拈  
六如偈若裁綺語稟文蔚猛向騷壇獨磨礪花殘錦  
碎凋秋蒂惆悵空堂一零涕

登橫山

家去橫山二十里未嘗一到橫山來橫山拳石頗突  
几千年遺迹留書臺石床危岡僅容足我始攀援復  
盤曲前輩風流不可追蒼茫懷古殘陽促花蹊樵徑  
儼成陰下有龍潭百尺深虬鸞天矯山罾路春雨秋  
霜自古今十年不赴羣公約美含寅工屢有九日之訂每到重陽



興緣發何人載酒問名山  
幾回望遠凭雙硖走馬東  
山荻渚邊居然情勝信  
晴川能無岐路空山慟  
躡躡  
歸程赴冥旻

東郊行贈虞傳

吾甫二十交東郊談經削史識獨高  
館我草堂獲晨夕是恫絕學揚清標  
同里陳子翩然至南湖先生起  
鼎峙近代人宗一會稽斯文未墮  
追洙泗四十年来痛存沒我與東郊  
亦頭白東郊有子讀父書雀躍才  
名重東國連城三獻不得售朱顏  
白雪黯復愁文章肯落班揚后意  
氣寧從百鍊柔鹽官令尹今潘岳  
自

出公門盡蘭若桃李河陽爛熳花  
一枝更艷亭、萼提衡使者鑑俱明  
大器真應屬晚成傷心幾墮陵陽  
泪健翮冲霄始一鳴貧愁我輩旋  
難問艱危但著潜夫論山樓舊地  
久荒蕪蕪薇峰講席還灰燼桑榆  
汝父汝父遇何窮菽水吾兒漸不  
供無由老治謀生策藉爾長乘破  
浪風紫雲徃憶錢郎約髯仔頻過  
訂畊鑿錢郎身退髯李歸從教祇  
解東郊榻秋高鴻雁尺疏來讀罷  
潜然首重回瓊瑤持贈慚為報但  
勉根荻慎自培

代贈許邑候



鹽官帶水東溟曲西峙吳山接南岫風信曾傳絕越  
書名城近喜紆丹轂河陽花滿客爭前仙令絃歌已  
七年西門會報河籌最塵甑尤應比范丹手栽雙栢  
甘棠並課成著作桑林盛都下紛纒頌建康垂簾盡  
日無妨政培根植本俗旋移誅暴鋤強不自疑涵濡  
雨露匪朝夕人在春風搃不知繡衣直指文章出鸞  
臺烏府虛前席緩旆還符借寇心龍門幸忝生徒藉  
飛鳧遺履麗卿雲馴雉刊碑百鍊金為圖鄉社新懸  
像一進田家禱頌文

哭南庵和尚

我昔渡江息檀度睡翁投分交如故款，臨岐屬後  
期三山記訂秦淮渡辛冬飛榜下江州石頭忙問城  
西路一江寒月楚天遙來鴻去燕紛，誤屈指睽離  
十六年今來祇對虛堂座天風吹散九天花白旛丹  
旒香成霧為感河流易變遷恬波靜浪空迴沂老人  
檀度山門之外水深十丈人生聚散又何常黯然長  
不三十年淺者十七矣憶文通賦衆香來合衆香還但追往事傷心訴猶喜  
家風屬後人西河不改前人步獨憐飄泊此重過茫  
茫長路教留滯不知涕泪且何從蕭，落日垂楊暮  
他日西華一吊君千巖但拱空山墓



和黃魯直蕙子瞻秦少游

虛飄、虛飄、巫雲移遠岫仙島隔秦橋春兩驅鴻  
陣秋霜顛鳳條烽烟客夢紆青澗環珮天風下紫霄  
虛飄、此生富貴猶堅牢

哭鵬孫

吾年六十新有一成列孫行僅盈十家孫已廢起者  
三群輩鳴兒賢莫敵八歲今年忽暴亡三齡濟、先  
成立每出分鮮或荐方雙袖携歸鋪頭白吾今長病  
却兩月汝正離、削鷄骨朝陽頷我必一四吾甫偷  
生若旋沒吾昔有親不能事但愧蒼涼削先澤寸土

何由柝汝曾或若路人跡睽隔依、汝獨未忘吾自  
應分手留無策脉、支床泪暗垂、楊一帶披迷色



寧遠堂集

五言古

古意

十年卧風塵鬱鬱，不得志顏波不可激  
開流更誰恃  
朝讀一卷書垂綸倚高樹我本淪落人  
散髮從茲始

唐人隴西行

三年牧幽漠二年戍邊城八月軍書急  
新開萬里營  
秋吹絕塞白日冷沙汀封侯仍宿願  
但勿隴西行

訪三宜和尚

輕霞旭朝日策杖靈山顛振衣出巖岫  
濯足來愚菴

愚菴自丘壑曲檻仍雕闔戶側不容車地遠絕塵喧  
烟霞老栖息類放無人間我亦散髮人藹若平生志  
歡屬我但頻過世累毋相牽

游仙

終南鬱龍嵒連岡開石室煙霞靄虛無巖岫隱空碧  
廓落尋仙居蹊壑無行跡自昔高山人逍遙避顛棘  
廬窮絕頂俯仰瑤池側寥々千百年矯掌山林客高  
臺傑雲構寢食展娛樂歌舞千黃金一朝歸寂寞人  
生誰百年安能得大藥吾聞山中人結茅阻幽壑餐  
霞吸沆瀣而乃如龜鶴飄然欲憑風長嘯歸神岳

錄別

凱風自南來楊柳吹新枝故人命千里戚々辭親知  
操袪不忍割落日泪沾衣停樽羨離歌能使聽者悲  
那能憐別後念此別離時

青々楊柳枝鬱々桃李花盈々娼家女脉々臨窻紗  
自昔與君歡歲年耀榮華君時正及髻妾亦始破瓜  
如何一朝別相去天一涯君心如流水賤妾如泥沙  
歡娛長斷絕金石鳴不諧

與君初結髮朝夕殊歡娛人生重離別况乃少年時  
開河萬里行歲月勞長塗春風與秋露日夕羅衣襦



迢々隔天末知君心若何

東園扶病喜白方來

青陽動園林和風吹二儀良時撫獨悲念子起調飢  
策杖紫雲顛言顧青山西青山跋相望春水流瀾々  
輕舟蕝橫涇日暮臨洛谿別離經秋冬秉燭忘神疲  
何以贈離思濁酒開襟期何以永茲夕長話清心脾  
嘆息平生交之子良復希高懷夙所欽金石情不移

送伯兄北行

炎風扇南郊駕言發長途豈不憚行役千里輕崎嶇  
幽栖托遼海塵外本自娛入洛非夙願度關寧棄繻

長沙悲過秦岐路憐楊朱明珠逢按劍何地容吹竽  
太行截崔巍羊腸鬱盤紆出門懷故國搔首獨踟躕

丁酉六月十九日大風雨

黃雀東南飛鯨魚盤山隈狂風發中夜勢疾如奔雷  
燥怒激羣萬凌震傾樓臺噫氣吹蒼梧竅裂崐崙摧  
須臾雨亦急決漭沉烟埃揚沙仍折木神女行徘徊  
不聞擊筑歌易水抑何哀安得便乘風稅駕游徂徠  
銜盃望朝旭脉々徒傷悲

寄錢雲士

侃侃每易折皎皎毋近名庸流纏百累達者謝塵紛

素心各天末道遠難為情西河愁索居東國懷人倫  
朱絃澀幽谷黃鳥調春林何當百年交動如商與參

阮籍詠懷

種瓜東陵內種豆南山陽道遙脫塵累撫瑟流清商  
薇蕨誰為餐芟荷誰為裳陶然自岩穴入世無良方

左思招隱

大道各有托抱德豈無憑龍潛必終躍蟄伏將求伸  
胡為丘壑中貧賤長耕耘世華非不榮水濁無鱗鮮  
伊昔布衣士韋帶稱儒生韜精鍛鸞翮談笑娛天真

阮瑀詠史

丈夫不逢時氣盡誰能雄搏鷄誕餘力博浪非良士  
一朝憑風雲揮手驅蛟龍大道或見拙運厄毋求通  
謝惠連讀書

束髮敦前修詩書遵夙好八索析竒義九丘發幽討  
古今洞瞬息優游滌懷抱一言佩終身萬卷胡不了  
顏延之從軍

四郊何攘々羽檄馳邊關男兒夙懸弧况乃值時艱  
控絃捷塞北飛矢平安南顧盼單于庭躑躅崑崙顛  
生為萬夫雄死亦垂千年

謝靈運游眺



八荒有逸轍川嶽饒奇觀  
自非煙霞人誰能懷林泉  
春條落秋日來日無朱顏  
胡不及少壯策騎揚輕鞭  
春風拂幽壑明月登秋原  
以我曠然心安性不得閒

謝眺治宅

治屋不治第傷山開園林  
春流環曲廊楊柳披深楹  
秋雲薄叢桂明月生空庭  
策杖憑危峯樵牧相逢迎  
全生伴麋鹿世累何足榮

陸機贈弟

澹々長江流渺々孤鴻征  
分條折連枝散蒂飄春萍  
居人懷遠道游旅難為情  
落泊非所悲憶子獨傷神

二哀詩

子侯膺世難弱齡立奇節  
報國輕餘生亡國入吳越  
冷々百練剛千椎不能折  
奮策波濤間杖劍蛟龍窟  
天連跋不平雄才惜殄滅

子冲方外士夙抱本不羣  
潛身握成筭遠游揚清塵  
展懷借前箸揮羽驅千軍  
英雄惜成敗事去徒捐生  
丈夫葬魚腹無乃非天心

贈巨宗

濁淥傾奔瀾宗風跡如掃  
吾師揚密教妙辨窮精討  
談經化石慧披靈州三緣宿  
解脫四智成獨早高林俯

中涇幽栖滌懷抱

韋劍威作客南還從會城過訪

三年別故鄉北上幽燕道韋布傾公卿肝腸托朋友好  
俯仰誰為容側身復遼倒契濶平生交天涯自芳草  
濁膠贈離思憂心各如擣

贈慧幢

結茅不在幽買山不在深薇峰面頰剃振錫開梅林  
芒鞋入塵俗脫畧全初真慈雲蕝妙義密行韜金精  
伊與相周旋談宴披清衿條風吹白日萬木萌春榮  
撫茲造化理協我曠然心

飲率園

幽情托泉石市外開園林煙霞護丘壑草木相披紛  
溪橋環曲流側路通危岑筍芽破春泥梅實吹清芬  
不厭客頻過為我調山珍

送胡衛公賣藥薇山并序

蓋聞銷聲處晦置長策于窮途養素辭榮寄  
生涯於別技所以嚴遵成賣卜之名崔亮守  
偏書之業斯高懷有托俯無慙壯齒雖淹沉  
冥何惜非絕俗而估名蓋和光而渾跡者矣  
若乃鷄衣早敝覆不全膚蝸舍長扁藏無擔  
石嘆嵩山之鬻畚悲睢水之販繒傷哉貧也  
彼有人焉况今日者滄桑之變之餘虎踞谷傾  
危之際干戈塞道鬼消九域之颺豺虎踰林  
腸斷三江之月渚草汀蘆之行隨既鷺原杭隰  
稻身在耕樵且復笑画虎之未成念縛鷄之



無力於是退詣百工之術咸登五會之壇自  
河旅舍槎客懸壺乃雲岫山田遺民採藥並  
南州之高士本江左之清流將雄峙而齊驅  
豈後來者居上乎子衡公清蹊右姓偏海波  
臣早懸入晉之車久隱交南之肆伯遠之凝  
塵滿几繫亦何堪仲連之蓬戶松窓恬然自  
遠旋窺玉版寔探金函爰宅薇岡始携芝龍  
丹砂煮就即是銀丸赤箭燒來都成金液將  
華陀却席郭玉辭功直令易氏更名韜精返  
性不欲使灞陵橋上尚識韓康吳市門頭仍  
入晉豫章胡勃事  
伯遠胡鎧字仲連胡暉字

東髮詣儒術矯名家駒風雲變飈霧脫轡停中區  
丈夫在立身搢端抑何愚全生有餘技夙好情不渝  
青石澗芝團玉堂壺携之自娛悅握彼羣生機

### 七夕風雨

落日沉西軒明星粲然稀陰雲薄天末四野飄輕霽  
坐令銀河旁脉脉自停機嘉時不易逢燕私况無期  
悵惜一水遙間阻情獨悲秋風謝長炎刻約良在茲  
會遇仍苦難幽懷托朝飢

八月九日之夕猛雨驟騰凭西閣朝望

玄冥合暮色亂鳥翔高丘舒翼振一足傾注奔安流  
汎濫原田波萬井沉滄洲柴門沒蒿棘庭户維輕舟  
迴溪激飛瀑凌緬平西疇高懷侔物外曠日澄千秋

早蕪洛渚登東山眺南嶺

流雲旭朝日輕航駕徂征湯湯大地波蕩江湖行  
桑麻雜蘆荻杭稻齊蘋萍百川西逆流滄水平閉門  
注屋機杼荒沉竈炊烟停移舟任山足振履凭危岑  
東南裂山岡風雨蛟龍騰造化理無際側身開幽襟

同西樵至日作

玄陰忽受謝升陽動南枝萬化渺無緒托性良在茲  
栖鳥輯翮毛飄梗沉荒陂嚴霜扇寒風冷吹客衣  
殘星落中夜四顧紛披離徘徊待明發耿耿愁不舒  
千林急哀笛遠圃鳴朝雞天心見來復在剝胡獨悲

李劍石移寓當湖索贈

神鷲下高梧戢翼栖荒厓矯矯雲間鴻孤飛惜參差  
幽懷誰屬托跡非生涯白日吹霜蓬大地皆氛霾傷  
哉擇木心與世仍獨乖

十年歷閭闔躡躑入戎行運厄才不申脫劍徒方皇  
潛形去塵俗蟄伏來山岡朱顏莽憔悴撫景行自傷  
金山俯龍盤寒穴流神泉川源育靈異懷古思先賢  
唳鶴胡不聞狂瀾注平田昔為在岡鳳今為隨風鳶

與君夙相期願言浮滄洲荆塞道路飄梗毋安流瞻



烏宅誰屋俯仰懷邊樓東泖環清溪雷雨沉龍湫鷓  
鷓祇自適一枝寧復愁

白方執別已三年矣扁舟枉過爰有二詩

梅花發春條芬香散園林故人忽命駕旨酒浮芳樽  
芝蘭蘊餘馥契濶情益深良時協幽會朱瑟流清音  
更殘易華燭轉念平生親為晨夕歡動成商與參

皎皎中庭月携手臨前楹情懷一何篤索處愧良朋  
夙昔素心期今德胡勿聞非不重努力拂抑違初真  
青陽動羣物春風燦然萌撫時良獨悲相將及良辰

偶成三首

朝採南山陽夕濯清溪流輕風蕩層陰俯仰林塘幽  
短布垂雙蓬披懷良獨優陶然謝塵俗生涯安足謀  
名花發竒艷灼灼臨春風流霞浴晴日淺深襟青紅  
芳華易憔悴零落同飄蓬戕條植其根萌析私天工  
感哀會有時造化將何窮

長江自西來滔々流不已東傾注滄溟騰沸波濤起  
蛟龍出深淵瞬臆仍千里不有南蒸雲醒作蓬萊雨



端陽前二日寧遠堂讌集詩并序  
 曉日經危長雲變夏芳蘭可採將鏤五色之花  
 木樨高眺遠之燦三陽之憑檻開襟之集蓋自羣公  
 當居開白社于茲盟執文禽正會烏衣於人日  
 春仲舊好是于茲盟執文禽正會烏衣於人日  
 爰脩舊好是于茲盟執文禽正會烏衣於人日  
 丹書之信鼓錦瑟以調笙樽開北海撫珠槃而  
 握槩地本南州紛華紛傳並闢江郎之艷新泉  
 乍涌爭誇潘令之文談翰舍毫分鑿離龍煥景  
 清詞方之飛兔莫不染翰舍毫分鑿離龍煥景  
 僕岳髻放棄總角言交識愧陳留頗結山濤之  
 契才非魯國曾留張儉之徒及東郭之長貧致  
 西河之索處亦輪從期之感還成朱穆之書于  
 今松竹誰更投輪從期之感還成朱穆之書于  
 停雲復寄幽軒之良日嚶嚶情懷頻沒徑而雷  
 敢負佳期重陪良日嚶嚶情懷頻沒徑而雷  
 覽在不毅情懷之托始指風昔以要終成竟日  
 他日伊風流之宴烟霞送晚罷形管以分杯風  
 歡乃卜長宵之宴烟霞送晚罷形管以分杯風